

是程堂集

是程堂集卷第十三

錢塘屠倬孟昭

次小湖題秋白移居圖詩五首韻奉懷兩兄兼述鄙懷

中歲學不竟荒落如振槁離羣別鄉縣齷齪雜傭保美人遠天末瑤瑟空在抱悵望東海頭名山閼鴻寶因風訴回腸那得懷抱好

五人昔共學伏處今尚二我無鐘鼓心却作爰居避范子雖不達威鳳高梧寄棄繻願未酬熱髮志已遂胡子謹飭人意不專祿利事兄篤倫常讀書擅彊記艱難吾道防浮僞歎交誼通塞且勿言自足千載事介不易三

公吾思柳下季

箕橋信幽絕近水復遠山桃花胡麻飯何必非人間荷
鋤有黃髮採桑多綠鬟就中胡子居水竹占一灣而我
困簪紱亦慕垂釣閒焉能署紙尾雁鳬對老姦君如賦
招隱初服吾將還

鄉心日以切別離今幾年我歸未可知二子就我便江
南此最近幸未宦迹遷胡子曾一來爭看孝廉船計偕
不可留行李挑一肩論文達申旦話別肝腸煎

庚午冬秋
自赴春官

試廷道
見訪

去年姑蘇臺匝月我未旋有約范子來舟楫以僕

先我知范子貧坐臥惟青氊身貧學乃富誇示詩百篇
其詩富何似翡翠蘭苕鮮身雖泥蟠屈氣蓋驂騮前其

貧更何似東郭履已穿浩然辭我去曾不受俸錢

去年春遣僕迓

小湖相見吳門將邀入署不可贈以歸黃復長笑拂衣不受而去

廊廟不可期江湖渺何處折腰愧淵明那不賦歸去昏
朝厭庭趨手版還自署日披百牘紙心力太匆遽三年
官此邦免過敢求譽載歌伐木章念切友朋助居安不
忘危昔賢非過慮王陽親在時不比峻坂馭二子不肯
來世俗更誰語

用陸劔南寄酬曾學士韻奉答閣學翁先生并爲
其八十壽先生方寄二詩見懷且貽手臨陸麟
度詩翰小箋言陸曾令儀徵有政聲來書以陸
相況益可愧云

喜公腕力健透紙點漆書荷公心意長捆致加抹塗蒼
翠照塵面涼風收汗膚琅琅誦數四狂態驚妻孥警歎
振虛厄大具飫渠渠名德若古鑑肝膽不濶疎正如鴻
都經點畫爲世摹耄勤逾澡雪緇髮朝滿梳堂堂八十
翁寸田占上腴論詩喜後輩久坐忘日晡歛憶在京國
投刺小友呼三年學不進百里官則麤塊然抱頑璞陶
鑄勞洪鑪却牘時一哦聊以奉公娛始終見教督銘鏤
無時無仰指老人星案戶光芒殊門前問字屐幾輩印
苔蕪無以爲公壽楚江雙鯉魚欲製鶴南飛遙進酒一
盃公言子勿爾政績勉所如

阻風江口憶黃生

盛修

所賦操舟楚翁事二首

并序

生嘗遇老翁江上年七十餘矣叩所從來則故
讀書教匪亂亡其家聊寄業一舟以自食者也
翁自言流浪江淮十餘年雖風波瀕洞不足撓
其心顧獨以難進易退勗生他日生遂異而識
之爲歌楚詞一章以哀翁志持以諗余余不知
翁何如人而于所謂難進易退之說竊有感焉
故述之壬申六月自金陵還阻風龍潭江口書
江風送來船只不利我歸于我苟便利又與來者違我
獨此淹泊淹泊固所宜早歲希進心近來都覺非臨深
古所戒况非利涉時進退苟不慎跬步爭險夷我茲住
兩宿不與順逆期聊將慰僮僕逆者順之機

江介風不止江面月更上策策蘆葦叢不雨終夕響偶
誦黃生詩神爲楚翁狂詩述楚翁言翁其亦吾黨人生
異出處失計同鹵莽爲問八州督何如五湖長西風吹
白髮白髮三千丈翁乎其可逢月白羣峰朗

寄陳碩士前輩

用光

四十韻并懷少司空鍾溪先

生及吳國博

嵩梁

我昔去京國公適奉諱歸西江嗚咽水如雪照麻衣江
南梅子熟五月我到時川塗計公程已過浙水湄九月
方僕來袖出公書詞公令來就我云自少小隨呼前詢
公狀爲述顏鬢衰飢驅行復出何能老荆扉離懷正飢
體聽之增纍唏方尤感世思念公故依依

方先侍尊甫太
守公繼隨先生

有年
官京師

春風漢陽使尺素雙鯉馳開緘再三讀益以政事

期他言不省記大旨惜別離報章我則遲庭柯振涼颶
淮南桂之樹正照秋月輝秋月如公顏朗澈鑒鬚眉因
之祝眠食長願盈不虧江南獄訟繁俗薄民氣漓真州
况卑濕一病中肝脾撫茲夙夜心何事與物宜治民如
治病攻瀉勿妄施妄施既不可因循益可悲要在切脈
真誰是黃與岐昨書質先生知是三世醫先生得見不
語多字傾欹凡兩得先生書僕亦一答書寄漢陽今春再得書并見
懷詩二章不言前書豈僕書未達抑書至後時而先生
已行今年二月中獄獄東海陞沂淮渡河上風雨寒切肌
獄成只三日駐馬求秦碑海濱少文獻但見山崔巍歸
途及春晚疾作在路歧豈知先生來翻令相見違今年三
月蒙見

訪不遇以詩扇留贈
留詩達殷勤譽我亦我規規合古人義譽豈先生
私昨聞已入都重遊鳳皇池欲訴別來事無因寄懷
思東鄉吳子山鞠凶同歲罹其貧更何似出處公應知
君家少司空道德多士師往曾及門遊頗以國士推公
前倘垂詢委曲盡此詩

病起奉回任之檄

失笑東坡更自憐推擠不去已三年

東坡句

雖然江上二分

月總近城南尺五天宦趣依然門外漢詩才渾似口頭

禪六朝山色乘潮下咫尺西流到縣前

先是調任上元方辭不赴方葆巖制府贈

詩有百疊青山萬竿竹綠何可愛六朝山之句故落句戲答其意

七月六日重到官口號

生意依然草一庭山光重向縣樓青飢寒疾苦誰家甚
父老能來說與聽

蒜山僧院柬張舸齋夕庵昆弟

鐘聲吹墮蒜山顛小坐僧房意灑然返照入江光瀉采
冷風拂樹韻調絃芒鞋縛脚登臨健茗碗支頤臭味偏
差喜題成與可竹不教興盡子猷船

夕庵以盤竹見贈舸齋是日未晤

張鐵槍歌

并序

張君永祥河南淮寧人當川楚教匪亂張率鄉
勇三百破賊五千于盧氏縣以功得把總銜棄
之歸里吾師儀徵阮公撫豫効力撫標公撫浙
復從奉公命教習溫寧各營槍法公內召

俾適

宰儀徵從公所聘得之俾率民壯緝捕

俾之出

都也公以詩贈行云梟徒潁泗來小鬪竟如戰

我昔謀增兵請者議未善爲此多隱憂保障匪

易見

俾

心識之甫到官撫軍章公卽密飭迅捕

巨梟蔣光斗等皆餘十載未獲渠魁凡三月擒

治畧盡時余所募壯士有吳江任等五六君皆

以技擊名江左咸服君又有前拔梟渠隸民壯

之韓與陶羣梟夙震懼韓槍尤精試與較藝皆

出張下顧張恂謹若書生忠信出天性客倬所

三載未嘗自言盧氏戰功

俾

今春至清江河督

徐公所晤沈司馬始知其詳蓋其不伐又如此

君今年四十有二矣竊歎當世知君者落落無幾俾非從阮公不能知君乃交君三載始知其戰功是公與俾之所未盡知之者尚多也夫人才有幸不幸時有遇不遇才之不遇則時之幸也張君其知之矣爰製序作歌贈之並慰夫奇才數奇之藏用于承平者壬申八月海陵舟次

誤

張侯偉然八尺軀十年從軍歸荷鋤閒拋鐵槍倚牆壁膏血漬蝕腥模糊天生奇才辦殺賊張侯鐵槍無與敵不由行伍非甲科自募鄉兵隸兵籍往年楚蜀困鋒鏑官兵如麻只充額

廟謨清野堅四壁誰能一呼十當百張侯領隊三百人
殺賊五千清賊氛臂槍走馬氣益振歸來帳前血浴身
錄功上報不受賞要讓勲業歸官軍儀徵中丞出撫豫
此日張侯正歸去領標較射推第一感泣平生最知遇
中丞防海移制中材官列隊張侯從轅門監旗親教戰
張侯使槍如掣電一軍羅拜聲動天鯨鯨羣飛海濤濺
至今海上誇鐵槍頭白軍官未曾見張侯身如虓虎雄
氣似嬰兒柔奮臂激忠義敵凱皆同仇生不用世歸卽
休區區論功壯士羞翻然就我來真州肝膽傾露三年
留我知張侯真逢人說張侯邵平瓜落西風秋嗚呼張
侯將白頭

江天雨過一星飛
曩余清平山中句也未成篇什
旋亦棄去壬申初秋夜坐庭下忽接斯景足成一絕覺兩地情事如一日云

清平山上月常好
揚子縣中人未歸
猛省十年前此夜
江天雨過一星飛

讞獄昭陽途次卽目

秋水淼寒烟秋深獨刺船
半天風露下今夜斗牛邊
遠火蟹初上叢蘆鷗未眠
荒村不忍宿浩盪失平田
早經秋水角暮泊祁家莊
柳岸望中沒稻田疎處黃經
年民力盡滿地淮流湯
生計東南促江湖鴻雁忙

夜抵昭陽作二首

秋空白雲停不飛仰視中天月輪正西風攪動萬頃波
却仗中流一帆定蓮花三十六蕩連誰向蛟宮奪民命
呼號不待訴彼蒼大吏入告

天子聖

淮流東瀉澈底清三百里瀦平湖平點篙時拂荇藻活
濯髮可數魚鰕行不堪飢烏覓殘粒可憐秋樹來悲聲
極邊幾點遠鐙出三更鼓打昭陽城

中秋夜飲胡曉帆明府衙齋歸坐古藤道院却寄
并柬曹秋兩廣文

星斗碧天疎藤陰架未除水鄉民氣靜秋院鶴聲徐圓
月足今夜小窗忘客居新交得蘇鄭惜別意何如

秋陰

秋陰彌海甸水氣積城隍東注洪流虐偏災小邑傷幾
家收稻了連夜築圩忙忠信平生仗蛟龍伺榻旁
大風雨拋碇中流竟夜

扁舟恐昏夜水宿無津涯四面波浪濶中流兩三家風
來自西北秋聲散烏鴉雲沈極邊黑蛟龍正磨牙中宵
此拋碇舵尾長年譁驚魂把書定畧使雙眼遮危隄隱
亂石不見兼與葭何如耶溪上兩槳漁船划

遣興

兩頓盤餐食有餘烏菱紫蟹白鰣魚分教僮僕都嘗遍
我自攜來下酒書

雷雨

不道秋深尚隱雷驚心節序且銜杯浮雲東上西風急
萬點寒鴉側翅來

重九日蕉園方伯招同張船山王荃畦陳雲伯及
幕中諸子燕集箴白堂

圓菊金鈴正始開清香畫戟此行杯詩人猛士蘇和仲
酒德琴心褚彥回忘分已能容散髻放懷何必重登臺
卽看雨洗清秋出城外吳山翠作堆

蕉園方伯命題圖卷二首方伯善琴圖中皆寫琴
意也

瀟湘水雲曲

涼煙不動楚江曉枉渚迴汀滿芳草中有萬疊之青山
一眼微波明去鳥瀟江湘江來沅沅水耶雲耶杳莫分
霓旌翠罕澹容與二女招手雲中君援琴動操作三疊
寫入吳綃墨猶濕七條絃慢風泠泠一尺天低寒帖帖
圖中之人疑是仙此曲不是離騷傳何當散髮從茲去
便與成連同刺船

梧葉舞秋風曲

轆轤朝喚幽人起金井畫闌秋似水分明迴薄萬古心
一段商聲先繞指蕭蕭寥寥秋風高撼撼瑟瑟梧桐飄
大絃小絃淒以急或如幽澗如寒潮或如遠行感搖落
或如獨客吟刁騷昌黎秋懷虛幌下永叔夜讀篝鐙搖

太息古賢去我久志士騷人世多有知公此曲未要終
袖中更試南風手

題敬業堂四杖圖

圖肖查初白德尹潤水信庵四先生小像有初
白先生自題句吾友丙塘屬題丙塘則德尹先
生曾孫也

閒攜綠玉杖相對白髭鬚布被三間屋荆花四照圖風
流餘講德家集繼聯珠洛下耆英會門材有此無

題文沈唐祝四先生畫象

并序

錢叔寶圖有明諸賢九十六人爲巨冊後以貽
文氏文報以宋槧史記蕉園方伯近得之吳中

丙塘別駕更從方伯處摹文苑四先生像于卷
昔聞錢叔寶頗具長康癡吳中或往哲邈絕龍鸞姿奮
爲一筆畫燦若五色芝再拜停雲館薇露盟手披丹青
幾鍊形褫脫舊裝池已無朱槩易應與米帖支好古我
方伯甲品卷襜帷查君復健羨一齋嘗鼎思七賢畧山
王菰蘆托襟期屈指四先生名字驚童兒若士龜殼據
俊人蟹堦羈緋袍與吏服面目了不虧不知枝指生談
笑債家隨琅然石田翁流水澹鬚眉神全大布衣巧接
老畫師愧我弄柔翰塗抹等兒嬉辦香識卷末色笑入
心脾南園北郭後風流萃于茲恰如開寶際明離燭巔
涯儀部與迪功雍容祖餞時神仙艷屬望草木含華滋

荒江有蒙叟編詩長嗟咨金齏頭上客勗哉慎勿嗤

放舟木瀆訪小畹遂同遊靈巖天平寒山法螺諸
勝得詩五首

晴曦雨餘澹濯破嵐翠深櫂沿香溪水雲接橫山陰吾
友沈織簾端居抱冲襟十年交匪淺拜母始自今門前
繫赤馬屋角啼水禽篋書牛腰富匣劒龍夜吟詎嫌近
市囂茅檐對崎欹寂寥遺世慮貰酒不獨斟松風入元
鬢吾方厭朝簪焉能更捫蝨慷慨論壯心

脚鞢踏省垣斂版聽官鼓禮法拘束人太息杜陵語
嬌嬾秋山明颯拉風葉舉一遂放曠懷忘我腰脚苦寺樓
松矗雲石磴苔溜雨疎鐘別山沈寒林斷霞補當門巨

區寬帆葉可指數誰從萬頃中戲擲峰伍伍洪濤駕浮
螺中藏禹書古逝將從靈威瑤笈手採取

盡攬靈巖勝更造天平峰峰巒秉列笏松杉戲游龍白
雲上下泉靈竇洩乳濃巖花散金鈿天風奏笙鏞鳥語
圓不澀石齒縱復橫森然萬木頂坐我小閣中他山肅
環衛峻若排崇墉佳氣瞻鬱蒼辟邪鎮幽宮心期大賢
業目躡孤雲蹤想見七百年孫曾守遺風

樓閣倚夕陽丹碧紛眩目燦燦白石徑牆頭俯修竹流
泉衣帶縈奇石春筍束灑然千尺雪圓迸珠一斛寒藤
病來癭老楓霜後禿坐久生道心長往宜野服孤光掩
林樾窮眺阻厓谷小憩得暫留竟日意已足

斷雲松頂飛曲沼厓腹陷幽尋得精藍微風散清梵足
疲瘦筇扶目迴飛鳥賺僧牀對跣趺茶甌泛清醪緬茲
山水窟雲外一龕占夙抱離垢心長恐清福欠微名縛
塵網清夢祛俗念每與老衲逢甚愧簪紱僭題詩寫烟
霞得句饒古澹終墮文字障未要崖壁鑿

獅子林山石

老松不著土蟠屈石骨堅陰洞不泄雲吐納茶竈烟門
交薜蘿暗磴蝕苔花鮮上下百千級咫尺相鈎聯我聞
雲林子關此小洞天踞地吼獅子爪奮顛毛鬣峰顛作
螺旋地脉成蟻穿去者方躡踵來者剛摩肩飛梁跨左
股孤亭扼中權鵲巢風欲墮桂華月初圓虛中自屈曲

面勢乃獨全苦心締靈構不藉神斧鑄取象肖物情設
想參畫禪遂移烟霞窟日對几案前前遊信幽莽擾擾
物累牽詩成償夙願已悔遲三年

同蒲快亭陳雲伯董琢卿過畢尚書園林

我此暫留憩主人曾未歸文章先宿草臺榭又斜暉老
桂吹香烈秋藤落子肥平津館中客幾輩欵雙扉
几榻殘書擁風簾舊燕來池枯圓鏡澀石壞亂雲頽
業成高第聲名重愛才平泉閒草木蕭瑟有餘哀

傷古柏

亭亭古柏樹鬱鬱官廨東秉性自正直不與凡木同苦
心蝕螻蟻虬枝困蛟龍植根瓦礫場終夜號悲風顧茲

樑棟材亦荷靈氣鍾烟煤近庖廚斧戕遭僕僮荒階逼
湫溢頽垣雜蒿蓬生理雖不乏糞壤托始終西偏幾叢
竹雨洗黛色濃築亭就其下清光滿簾櫳吾欲移此柏
置之庭宇中安土不可遷信乎命則窮

題畫竹

并引

江寒草堂北牖多竹夏則啟之以招涼風冬設
紙窗羃以蘆簾而脩脩鸞尾不可復見矣偶值
文書之暇用展丈二之箋作爲三叢長各竟紙
付工潢治張之牖間庶幾圍鑪風雪中仍延此
君入座也

白沙江頭沙水清真州城南夜潮平綠江千竿萬竿竹

風送竹聲成雨聲，
解西北牖亦有竹。
更百十竿爲一族。
江天一碧風滿城。
此君闌入四座清。
濃陰灑窗根，迸石
苔花如錢印。
蠟屐茶烟鶴夢總無塵。
紗帽隱囊如對客。
清霜一夜驚素秋。
心知此君同我愁。
牀頭蟋蟀催堦戶。
咫尺清光隔庭宇。
王猷不可一日無。
笑對北窗爲此圖。
胸中成竹眼中畫。
紙上颯拉風聲麤。
明年幾日雷起蟄。
再看孫枝闖簾入。

獨遊北山寺觀壁間明倪雲題句和韻

支筇北麓俯江湄，
但得清遊不廢詩。
附近青山相見熟。
無多黃葉已來遲。
官梅破臘將花候。
陣雁排雲欲雪時。
慣說打鐘兼埽地。
箇中容有老僧知。

次韻答王柳村豫二首

翠屏洲上宅沙水一江清此日開詩卷十年聞姓名君
應號通隱吾亦慕躬耕要借前軒竹來聽風雨聲

檣棹江干近官程促我還何時邀阮籍破浪到焦山倡
和王裴後從遊郊島間憑君先問訊爲愛借公閒

君并訪焦山借庵上人茶果

題曲江亭圖

柳村居翠屏洲正對焦山水竹清娛江山勝絕
阮雲臺師考其地卽漢枚乘觀濤處作曲江亭
其上柳村繪爲圖邀同人賦之

七發奇文有替人曲江亭子此重新濤聲終古廣陵郡

山色中流漢代春
輞水詩篇入圖畫
桃源婚嫁又比鄰
滄波白鳥斜陽外
大好憑闌把釣綸

京口道院午夜作

挈空雙柏嘯江風
逝水東流月正中
巖穴鸛巢如警欬
天門雞唱漸瞳矐
金山寺古浮圖鎮
鐵甕城堅霸業雄
千載尙留憑弔迹
可憐北顧惱蕭公

同舸齋夕庵遊寶晉書院遂登甘露寺凌雲亭還
過北固山房

笑攜北府兵廚酒
同訪南宮海嶽庵
天放雲山供畫藁
僧添松竹護精藍
霜清木落空千里
禪悅詩情占一龕
遙指孤亭當臥榻
尙留殘雪點晴嵐

贈石雷上人次洪稚存前輩韻

雙扉剝啄徑紆迴磬口花爭破臘開垂老山中忘歲月
論交方外得宗雷誅茅有地曾飛錫煨芋何心更撥灰
留此新詩記遊跡江山第一我初來

北固山有宋吳琚書天下第一江山

星海羽士乞書戲題一絕

傑閣依山遊屐少滄江抱郭去帆多經年客到曾題鳳
故事書成要換鵞

小峴先生招遊寄暢園還登惠山坐竹鑪山房薄
暮飲于寺塘涇之溪山第一樓送至黃埠而別

越日復蒙寄詩四章謹賦三十韻仰酬高倡

兼程趨柏府請業扣松扃南戒承康爵中朝重典型

人歸謝公墅。手葺子雲亭。内外爰占易。東西牖著銘。趁晴宜蠟屐。攜客上莎廳。杖履秋逾健。園林葉未零。菱荷居士服。風月草堂靈。酒待傾三雅。尊還進一鉶。書籤排甲乙。尊卣辨辛丁。嘯咏供休沐。江山入眺聽。堂瞻五雲捧。門迓六飛停。

寶墨鐫詩版

天章列畫屏。藤交穿石罅。花妥壓窗櫺。巖腹垂鍾乳。松胎護伏苓。比鄰蕭寺近。古殿佛鐙青。大好開蓮社。相將禮梵庭。水符新竹剖。茶具古銅腥。曲沼裁方矩。飛泉勢建瓴。蜂喧課崖蜜。鵲怖蹴簷鈴。貫鯉聊攀柳。眠鷗自藉

萍烟蘿窮宿。碎雲竇闕。瓏玲晏坐參元默。微言述覽冥。
息機甘抱甕。居井善觀瓶。已富千秋業。方圖五嶽形。蒼
生眷霖雨。前輩數晨星。出處公無愧。舟車我未寧。係懷
知己賦。閒話衛生經。郡閣新端版。川塗此肅舲。征鴻憐
倦翮。籠鶴感摧翎。一讀歸田錄。行吟慰獨醒。

送汪葆園還遂安

我憶五年別。君能千里來。江干古梅院。城子名賦詩臺
挂杖青藤削。方袍大布裁。白頭歸子舍。剛及倒春醅。

題自作山水

熏鑪炙手熟。凹硯呵凍開。鋪好東絹貌。作山崔嵬寒。
林疎處直。小澗折更回。輕舟老漁渡。破寺山僧來。夜坐

畫理深迅筆落葉摧丹黃與墨瀋狼藉文書堆圖成復
自笑那不惜韞林吾其愧鄭俠不寫流民哀

小湖來真州數日別去却贈

矯翅雲中鶴孤飛亦戀羣江千秋月白清唳九皋聞斥
鷃倘嘲我高軒何與君風塵惜毛羽不爲感移文

歲暮述感

昏朝理百牘漠然心不馳秉燭慮獄囚湛然神不疲我
豈樂爲此民事責所司誰歟困飢寒民或我怨咨誰歟
抱疾苦民將我詆謫是皆我身事敢不黽勉爲上官既
予信民亦不我欺自我失教養厥咎將任誰昨者吾臥
病已分投劾歸豈不戀祿位心苦形神羸何圖邑父老

慘若失母慈村農百千輩各把鋤與犂狂奔塞間巷提攜雜嬰兒扣門求一見牽挽孺子啼斯民信直道顧我實自疑大府更過聽謬以循吏推敦迫使之起累牘紛

言詞其言匪敢當譽之實勉之

余病時力求卸事制府百公下檄有云該令治官事如家事視

編氓如赤子使江南牧令盡能如此何患治化不臻上理方將量移首劇俾資領袖雖復以病自陳何可去此循吏護撫軍慶公則有賢令尹仁心仁聞著于四境方伯胡公則有該令才可大有爲賢者任勞士爲知已用等語交相策勵僅給假兩月調理云儒生慶遭逢

際此明良時况值大府賢當代皋與夔駑駘雖凡馬

造父不見遺歷塊免顛蹶要自駕馭宜比當重視事又

五月有奇敬事惟後食補過常退思凡我未竟事稍復

次第施

余能任後求邑中最急者禁私梟定關稅教耕織設官渡諸事以次舉行畧有成效

邑中獷悍俗近

亦風氣移青青訟庭草不復聞鞭笞

自庚午夏迄辛未冬屢治大獄壬申一年竟無

羅重此職不易稱此位不可尸先勞勗無倦聖訓萬古
法者
垂

是程堂集卷第十三

嘉慶中歲秋開
雕於真州府金

秣陵陶士立仿宋書王日華董刊

是程堂集卷第十四

錢塘屠倬 孟昭

迎春

昨夜蒼龍轉斗杓迎春東郭雪初消
農桑不外吾家事風雨從來 盛世調
士女競簪新翦勝麥田行茁凍蘇
苗却看露冕經行處十里平蕪馬足
驕

宿攝山無隱精舍呈默然長老

來尋西竺空王宅舊是南朝處士家
午夜妙香聞柏子四山春雪醒梅花
同龕我與佛趺坐破壁松如龍攫拏
證取三生桑下宿一蒲團地一袈裟

登千佛嶺次默公與陳孝廉咸鷹窠无垢二上人

最高峰倡和詩韻

鳥翮雲中落苔花佛面生

諸法相皆鑿石成之

西來原象教吾道以

詩鳴石氣鬚眉冷江流衣帶橫入山知有待何日宦塵
成

留別默公

半江風定帆初挂絕壑雲霾雪未殘借竹杖扶雙屐下
爲梅花住一宵寒禪心近欲依蒲褐歸計先應製籜冠
異日阿師能訪我誅茅同臥小檀藥

家大人招同小獻慈仲遊白沙翠竹江村還過舊

港觀宋梅命

倬

隨侍謹賦三首

春風入巾舄不酒顏色溫板輿花前奉白髮鳩杖尊東

郊雨新足。薺麥青滿園。及茲春陽麗。正照江梅繁。花香
了無跡。風吹到前軒。幽禽避人去。踏枝相語言。
不見庭草生。忽已庭草綠。生意萌自然。一夜春雨足。村
氓習見我。就我意彌篤。雞豚社方近。農事不待督。酌之
以衢尊。萬物有同欲。

老親口不言。故鄉時在心。從宦匪得已。素餐愧已深。野
服猶在笥。何當脫華簪。華簪豈不好。世故懼見侵。今日
花下吟。春風吹我襟。親心不可寫。調以朱絃琴。

題羅山人聘空山獨往小像

谿山信孤往。城市多緇塵。天涯認踪跡。古木無四鄰。末
俗輕賤貧。布衣留此人。芒屨青竹杖。盛世之逸民。停

雲靄晴空寒澗瀉古春長嘯應空谷驚起鹿與麋誰從
鹿門隱亦作廬下賓白頭證畫禪供養烟雲身身歿十
三載笑語不得親題詩寄遐慕他日傳隱淪

呈姚惜抱先生

道心渾初終經術勵精討識大名可遺養正氣乃浩先
生蔚儒林行若秋陽皦摛文上蓬萊稽古承錐鎬春明
駐高軒夜直披錦襖華士媿風節通才劇傾倒改轍爲
郎官銓衡佐勲考有時主文柄務實升俊造德望負雲
龍儒行閭蓬葆道與時並隆年與學俱老時方慶明良
志已超物表翩然賦歸來渺爾惜孤抱昌黎與歐陽述
作誰與紹講院開鍾山絕學維古道其文既似之默誦

心口了大雅資扶輪先生豈懷寶金陵六朝餘華靡一
筆埽講學三十年晚節允能保鯁生志復古力困簿書
擾一聞鳳凰鳴緘口喑百鳥春風眷秋蒂江海納行潦
承輝矜氣退望風塵慮澡願言質所疑詹詹媿言小庶
幾韓門峻或不拒郊島

種桑三首

并引

真州之俗不知蠶課自予始邑故無桑民憚遠
購乃自吳興買萬二千本給之作此詩以勸

起家自田間蠶事故所諧春郊五畝宅彌望桑柘佳吾
鄉苧蘿村採桑多越娃朝畦婦姑共夕隴鄰媪偕眠起
視時節飽飮慎弗乖柔條拂霜翦淨綠春雨揩竭來宰

此邦惻惻傷我懷。地力誰爲盡。生理詎有涯。不見此苔竅。俗偷生滿江淮。

濱江曠土多。灌溉亦頗沃。去年種木棉。及秋子已熟。

曾市木棉子。遍給鄉民。藝之。頗有收者。

種桑如種棉。卽此生理足。本計在一勤。

所望民氣復。吳羌徧桑田。樸茂好風俗。家家箱篋盈。婚嫁饒綺縠。物土非異宜。要以勤惰卜。胡然局方隅。曾不習杆柚。我有萬本桑。俾汝人一束。清明葉漸生。牆下陰覆屋。

一本三尺強。一束百本移。樹藝有方法。日夕勤糞治。壓條待接種。烙瘢初翦枝。曖曖茅檐下。樞熟亦療飢。爾民未習此。瑣屑勿苦疲。利興百年遠。效不三年遲。爾民亦

有父庶足衣帛資爾民亦有子勿念號寒爲提筐夕陽
壠浴種清江滑凍餓良可念他日視此詩

陸朗夫中丞誓墓圖次君古愚屬題

并序

先生初以山東按察使乞養及丁太夫人憂旣
耐於東顧之阡時青龍岡黃河築濬

特

旨召起權山東布政使先生服未闋也是圖爲
手寫藁本其自題云誓墓圖藁一紙乾隆癸卯
春暮作於任城書院將求武林黃小松繪爲長
卷時年六十有一此藁仍付綱兒收藏他時與
諸孫展閱如見老人心跡也先生蓋亦自重其
畫如此近五十年來清德治聲必稱先生而人

未知其能畫故記之以傳信於藝林云爾

吳江碩望繼平湖

謂陸清獻公

忠孝能兼本大儒手藁尚傳風

木恨秋鐙重展墓田圖奔流竹箭宣防急再拜松楸涕
淚俱自分此身長許國可堪終夜聽啼烏

吳門歸入三汊河見桃柳甚繁口占

春水桃花太子溝柳烟竹漾石人頭布帆濕透絲絲雨
趁著新晴曬舵樓

茅檐卓午鬧蜂衙一道春江瀉白沙粉本好從疎密見
三分垂柳七分花

仿漢建初銅尺歌和覃溪先生

璧羨起度徑易溢布手爲尺法未密馬尾禾稈特權輿

積絲累黍終越軼九六之變統黃鐘惟銅至精積數實
曰玉曰鐵代或參用土用水強弱率內官晚出太原郡
大子妙合零陵律上較七品無忽微苟該一等總齊壹
荀監未見錯短長隋代不考乖徐疾蘇齋夫子圭臬稽
制幣貨泉罔差失猶恐忖叅失豪釐百分一范善銅質
竊原制作形于數圜矩直平此首出若使三微稍逾圍
欲測四游將何術今田古步錯周秦先儒邱蓋緣闕佚
思次市易久不中三司布帛并難詰先生學問求實是
禮器制度評一室摩挲當復千百年末學鑽仰何能述
同慶復堂都轉吳穀人祭酒洪桐生汪劒潭兩太
守江漪塘農部吳山尊學士貴仲符觀察樂蓮

東坡先生集卷一
五
裳孝廉集桃花庵看牡丹餞倪竹泉漕使還

朝分韻得朝字

貢茶亭畔柳棉飄。祖帳遨頭簇畫橈。玉節送春環竹馬。
瓊枝灑露拂金貂。裁雲蓮社青紗障。聽雨篷窗絳蠟燒。
最是輕裝琴鶴外。吟箋差不負花朝。

題竹泉漕使轉漕圖二首

艤幢萬斛駕長風。得寶歌傳輯濯中。時雨一封馴白鹿。
使星雙節避青驄。心籌高廩宜河潤。耳溢康衢正歲豐。
想得首春種桂獻東南。民力厪皇衷。

後塵許我唱驪歌。春水桃花憶潞河。昔日公車叨索米。

此時手版愧催科。漢官考績先治粟。周史陳書著獻禾。
鵬鶚班行歸獨坐。江淮翹首慶雲多。

題吳思翁

叔元

山水小冊爲山尊前輩所藏

幾折坡陀一小亭。柳烟深幕數峰青。有人背立西風下。
目極飛鴻心杳冥。

過雨林巒滴翠新。畧教點染不教皴。白沙江上春如畫。
偏我來遲失此人。

吳真洲人

書錢孝廉

之鼎

三山草堂集後二首

君與瓜洲王柳村兩人騷怨擷蘭蓀。記從風雪鑿江見。
却望三山鎮海門。

庚午冬君與柳村過訪始相識

幽懷獨向孤桐托。寶氣真如古劍騰。是我詩篇原有我。

一梳短髮卅年鐙

江上

巖巖矗屏障風雨鬱波濤此夜渡江客亦能歌楚騷燭
光搖酒盞秋氣入吟毫愁劇潘懷縣今年已二毛近見
白髮
故云

坐攝山默公丈室念曼生亦當至此更擬闡事畢
後相約入山作三宿留也

中峰深處稱幽居藉地松毛積寸餘小雨平林剛待沐
新秋短髮不禁梳芒鞋幾兩能消受濁酒三升未破除
好約元龍湖海士來參玉版共燒豬

道中飲村店書所見

江山秋氣落杯鐙。獨酌脩然驗物情。屋角棗林垂纂纂。
階前藤子觸丁丁。將雛歸燕行辭社。逐婦鳴鳩漫喚晴。
連歲白門來往熟。馬頭童穉喜將迎。

入闈分校口占

未滿平生作秀才。棘闈今又兩番來。一條白玉新裁尺。
幾點黃花舊踏槐。要稱國家求士意。敢誇桃李及門栽。
依然十八瀛洲數。漫作蓬山故事猜。江南同考官十八人

呈茹古香少空黃範亭太史兩主試

朵殿飛來五色雲。瓣香親祝

帝天聞。

入闈後一日兩主試率同考官焚香北向叩首以公正相勉

珠從老蚌胎中剖。水向

靈犀角上分。愛惜人才真報

國。昌明吾道在斯文。眼

前百尺龍門峻尚許鵷行認舊羣

一顧難空翼北羣數奇倘有李將軍心知白髮窮經苦
情比蒼生待命殷落葉驚風休便埽暗蛩啼雨不堪聞
重披幾卷挑鐙讀鑠院垂簾正夜分

遲衡鑒堂桂花

桂老著花遲花前且詠詩秋心聊自慰鶴夢未渠知半
臂風簾外科頭露坐時相期近重九同把菊花卮

試院煎茶次坡公韻索監試唐陶山刺史同作

丹黃眩惑眼纈生兩耳時作殷雷鳴夜來學得破睡法
露芽手瀹冰瓷輕平生嗜好無一二祇有酪奴差可意
老湯三沸活火煎井華初汲勝乳泉不須石花散芽擅

巴蜀不須北苑蠟面如碾玉相如消渴臣朔饑但澆舌
本便伸眉九難八等辨不得按譜未免慚天隨君不見
風鑪烟裊雲脚湧有人亂點椒酥時

恤漕

賦稅不可缺追呼亦可憐粒粒倉中粟小民膏血煎江
南賦尤重例由勝國延民已習而安科則例所編取之
不爲虐所貴長吏賢奈何有折色石米錢五千漕丁猛
于虎抑勒吏使然其名曰幫費千金開一船丁則固已
虐吏實任咎焉侵蝕到隸胥况以私橐先我

后付我民俾之使生全祿糈

后所詔撫字吏所專曾不我民恤而忍加笞鞭催科甘

下考待罪及四年民隱敢不書上有咫尺天

省訟

小兒習驕縱頑劣無不爲豈翳孩提性父兄實誘之循
循識規矩督勸資嚴師有時不率教聊以夏楚威愚民
蹈法網厥咎如小兒飲食亦興訟所爭或刀錐弟兄有
交鬪鄰里有相欺肇釁乃至微厥辜且重罹長官民父
母家國無異施有子誠不肖寧改父母慈胡爲獨于民
而不一致思苟能正其本赤子皆良知宥過與刑故信
之使不疑以漸格其俗孝弟實始基方今
聖治隆民氣固未漓敢效俗吏爲挾摘毛與皮古有循
良吏爲政不尚奇要當培元氣刑措庶可期

病起偶述

一雪江城便晏然。况逢捷凱靖烽烟。衙齋偃仰看花發。
時園梅正放病榻支離伴鶴眠。著屐平生應幾兩。撫琴終日愛
無絃。右軍誓墓休言早。歲祭吾家尚薄田。

柬小獻飲泉

小園對竹對梅花。檢點文書早放衙。風雪圍鑪太清絕。
煩君來此鬪團茶。

次韻答飲泉乞余畫梅之作

騷人風調詞人筆。吟徹寒香不費才。好是何郎東閣後。
眞州新補幾株梅。

纔到江天雪霽時。爲梅花又覓新詩。詩中高格渾難畫。

驚見橫斜一兩枝

殺粉調鉛要主裁
累儂半晌立蒼苔
峭寒怪底難禁架
昨夜三更犯雪開

飲泉再賦三絕句見酬仍次韻答之

老幹無多破萼纔
春遲未是隔年開
桃花潭屬君家久
又奪逋仙故事來

鉤成幾瓣向南枝
畫太生疎不稱詩
君自苦吟吾自畫
一般同在看花時

六百年來宋梅在
白沙江上托靈根
也須寫入先生句
何日相邀出郭門

甲戌二月十日紀夢夢中同遊者爲潘紅茶給諫

松氣塞空句夢中所得卽用爲起句推枕足成
之并以寄潘

松氣塞空青到天碧雲盪作松梢烟仙山乃許插塵脚
天風拂衣吹不落其下童子叉髻雙側身偷窺玉女窗
一童抱書一童讀赤文琅琅聽難熟山光一重松一重
掩抑縹緲之高峰循岡忽轉一峰背峰腰却抱梅花中
梅花爛開光四照萬玉玲瓏插壺嶠仰看花頂墮松釵
潑黛堆青一林罩此時同遊記不真撚髭微吟纔一人
分明見是潘給事爲說別來今五春此梅此松此山色
歷數舊遊從未得大江南北浙東西無此好山入圖籍
是周是蝶仙乎仙夢由想結恐未然沈沈官鼓一鐙碧

窗外月明窗裏白

題尤水村畫梅冊十二首爲賈騎尉作

破硯枯毫矮赫蹠缺脣瓶插一枝低伊誰苦索梅花句

我又因誰更著題

一叟隱几坐旁置筆硯瓶供梅花一枝題曰冷吟圖

不於籬落不江干老幹支離石上蟠枝太瘦生花斌媚

苔錢幾箇不教剜

古梅蟠石上

臘尾春前正不遲東風有信到疎枝寒香未許詩人覺

偏是雙禽聖得知

橫枝一題曰一百五日無多候二十四番今始風疎寮晴旭翠羽喚人正余題畫時也

冰雪初消纔幾點簾櫳不捲又中宵影橫三尺分明處

想見花枝近綺寮

花影淡抹月華正圓是耶非耶如不可即

江路野梅開十分三分流水七分雲水流花放雲無跡

忽地妙香空際聞

雲水光中
繁枝四出

翠袖天寒獨倚時風流如對少陵詩先生不許尋常見

偏有橫枝出短籬

雪竹冰花餘寒襲袂水村自題有
竹外尋常不見花之句最可詠味

渴筆鉤鬚濕點椒冰痕許久不曾消階前白鶴昂藏立

作伴江天慰寂寥

水村畫中之梅余意中之鶴率
率成篇云爾未嘗真有鶴也

清極更無高格擬歲寒差有故交存湘簾月白微波動

手觸霜縑不敢捫

梅其主水仙其賓交
淡如水君子以之

不古不奇君自許偶拈小筆寫寒姿重題十五年前畫

已是行年七十時

不古不奇君自題語余解之曰苟不古便
不奇也冊首更有問十五年重題之字

彭亨想見便便腹偃蹇翻成落落交昨過半灣詩老宅

飄零一把舊誅茅

花插巨甕斜出若半落者水
村段已二年半灣其故居也

西溪不到近十載。溪水自香花自開。怪我平生欠清福。
見水村畫懷西溪梅亦何使東籬之菊獨有千古

看花未了出山來。
烟裊竹鑪茶味清。夢回官閣紙窗明。春寒特甚花遲發。且聽梢頭墜雪聲。
湘靈館梅繞二分花聊因題畫及之

遣興

不是良材不散樗。求全有毀不虞譽。動經世事成癡患。
畧有名心未破除。嗜好雖多非狗馬。簡編欲絕爲蟲魚。
竹萌花朵皆生意。偶觸閒情一問渠。

秦淮水閣

流水秦淮自古今。隔簾絃索惱孤斟。料應花事依然好。
無那春寒不可禁。重認雪泥空有跡。補栽楊柳未成陰。

小樓鐙火三更月。如此良宵費苦吟。

同孫淵如觀察遊棲霞留宿東桂軒

剔蘚閒尋捨宅文。紫峰閣外又斜曛。聞思許證三摩地。
歡喜同瞻七德雲。雪壓梅枝橫女字。苔侵佛髻旋螺紋。
小詩已媿紗籠壁。翦燭重論到夜分。先生最賞余攝山舊作一峰如繳立船邊之句每見必稱之去年夏更以庚午六月山中紀遊五古三章錄呈先生即日繫跋紙尾馳送默公至今猶存壁間

題畫竹三首 并引

鄭板橋工畫竹。余亦稍稍學之。余官真州板橋。
亦嘗讀書真州。其題畫云。余少時讀書真州之。
毛家橋。日在竹中間。步潮去則溼泥軟。沙潮來。
則溶溶漾漾。時有鯈魚數十頭。自池中溢出游。

戲於竹根短草間與余樂也板橋不可作矣余
得讀其詩與畫而游其所嘗游之地以想見其
人甚幸顧余畫竹不逮板橋又甚愧繫之以詩
以識余幸且愧可乎彼鯨魚游戲以樂其樂則
余與板橋旣同其樂矣

水紋如縠沙如篆竹葉還成金錯刀臘雪初晴朝旭暖
湘簾不捲自拈毫

六十年來板橋死真州風月太無聊麤枝大葉依然好
一派秋聲學板橋

江干苦竹太離披竹實無多老鳳飢民則已肥吾竹瘦
此心只有板橋知

曉起

晨光東壁穿霞氣滿江天幾點松杉雨一痕墟市烟聊
參清淨學一諷老莊篇詩就親題壁花朝記閨年

春曉遣興

淨埽茅齋地十弓閒看病鶴舞氎氎詩成茶熟香溫候
春老桐棉柳絮中蟻蛭忙封將雨穴蜂衙喧報釀花功
藤牀穿膝方高臥不向階前踏落紅

寶坊寺同小獻作

佛香團作吉祥雲趺坐僧廊話夕曛水竹淋漓書个字
風漪平軟織回文民情小洽詩通政事業全無酒策勲
倘許藥鑪經卷側他年容我息勞筋

秋白來訪夜話甚適且有卜鄰之約聊贈二首

浮雲蒼狗一軒渠最好躬耕與讀書
麥隴雨昏聞雉雉
菱塘水滿看叉魚尋常且醉中山酒
輾轉惟乘下澤車
勿種陶家五株柳當門祇種不材樗

中年憂患劇焚膏俯仰隨人笑桔槔
同輩聲名幾強項
寸心得失自吹毛愧他階下羊公鶴
留取門前仲蔚蒿
我或未歸君倘出秋深還約共持螯

憫旱

甲戌夏不雨災傷徧吳會況茲濱江邑
由來已凋瘵
西
北山田多大牙錯鄰界尺寸土不毛涓
流絕溝澮東南
稍近江邗水繞其外盛夏潮汐枯天意
吁可怪巡鄉問

疾苦揮汗觸埃壘老農見官來奔訴馬前拜高田秧不
生斥鹵種上聲先敗禾苗如束藁日炙隴頭曬乙家三畝
塘不足一頃溉昨日塘已涸龍骨壁間蛻小民并無田
佃地瘠而隘父子併力耕殘喘一日勾春來麥半收已
舉五分債主伯亟追呼無秋更誰貸西鄰甲窮老力不
勝鋤耒一牛初生犢并犢市中賣吁嗟乎老農同此生
覆載語痛徹肺肝聽之那不喟移時立田間驕陽灼肩
背愧爾跣足趨却我暑張蓋牆頭瓜蔓死青青但蒿艾
脫非官自來誰則知其憊昔聞漢循吏甘雨隨車軟精
誠召天和旱魃虐何害爾民實何辜籲禱亦至再咎由
官不德天心倘將悔

洮湖晚望

驕陽浴波千里赤魚尾碎坼天邊霞炎飈燔林捲柯葉
火龍作勢雄鬚牙飛符昨奉簡軍實洮湖取道由金沙
時奉節相徽委查閱江南北八營軍裝庫貯五湖巨浸此其一坼山湧出雙蓮華
當官百事邀嬾惰雖苦觸熱敢怨嗟舟行况得飽游矚
水風四面圍蒹葭今年酷旱徧諸郡禾黍滿地成焦芽
可憐澤國亦枯竭草根趯趯跳魚鰕船頭坐看網罟集
針鋒柳葉攢如麻老漁歡呼老農泣以口濡沫同呀呀
人生憂樂眼前異各有痛癢難搔爬如何散髮坐篷底
取涼尚欲浮甘瓜

溧陽訪陳曼生同年却贈

署畫谿山斗大城道旁泥飲識民情鄰封那限江南北

懷陽儀徵蘇寧兩藩司分隸 魯衛應傳政弟兄嘉樹同根蔭連理署有連理

桑百年物也 異禾九穗答 昇平前歲邑民獻九穗嘉禾數十本君未申報今歲邑中秋氏 酒邊若

爲論心跡早訂閒鷗十載盟

游隋山光寺復過禪智寺觀三絕碑

寂無歌吹竹西亭。賸有山光依舊青。却就鐘聲禮龍象。

忽蒸水氣聚蜻蜓。離宮不弔楊吳蹟。淨土全歸帝釋庭。

一丈穹碑擅三絕。千秋好與護山靈。

六月十八日揚州卽事

不隨年少興飛騰。水檻閒來試一憑。香市踏殘通夜月。

畫船搖散滿湖燈。桑林應禱天何吝。鬼俗潛移我未能。

時見所謂跳馬甲者蓋爲邪鬼所
憑意欲擒治以非余境內而止
聊欲微行人已識道旁都解
說儀徵

山尊前輩索題朱素人畫二首

塔頂斜陽向晚紅
蒼厓斗絕架琳宮
欲尋僧話更何處
一杵蒲牢飛半空

參透詩禪卽畫禪
全教筆墨化雲烟
君看一抹谿痕白
中有春山百道泉

梅花髻几歌

揚州吳雪樵爲
余列名手也

藤牀竹簟松養和
晏安取適亦已多
終朝伏几三摩挲
瞥見繁蕊高枝柯
老梅吹香月橫波
咀嚼冰雪供吟哦
平鋪几面三尺絳
居然畫理參橫斜
前年兩株種官衙

左朱萼右綠萼華暗香披拂襟衷過亞枝一掃凍筆呵
吳生妙手含春葩百鍊繞指成婀娜漆光揩鏡冰鏤花
雕刻鐵骨不可磨坐令觀者生歎嗟刀法筆法并一家
生枝枯枝鬪極杈將開未開紛璨瑳而我喜極還作歌
不須窺園踏寒莎

張烈婦詩

并序

寧化張朝鐸妻曰賴氏嫁六年而夫病詢之日
者曰夫必死婦必再適無何朝鐸竟死婦恚日
者言誓不再適雉經以徇伊太守秉綬吳徵士
賢湘爲書其事可傳信已烈婦弟春來乞言詩
以哀之

夫可生妾敢死日者言竟不起夫不生妾何恃日者言
亦窮矣妾有夫妾無子夫不生妾何恃日者言有如彼
再適人妾之耻朱絲繩長尺咫妾命畢亦天只命可奪
操諸已數之窮不有理婦姓賴歸張氏吁烈哉光彤史
露坐

流雲不捲衆星羅露坐中庭一放歌鐵馬蹴簷秋思濶
莎雞喧戶夜涼多捉將塵尾資譚柄點取龍團遣睡魔
却喜放翁直解事直須未老買漁蓑

放翁早買漁蓑未老
歸之句余每誦之

穉桂

穉桂團團不及欄妙香浥浥暗侵簾十分秋讓騷人領
如此花應佛手拈寶相前身證金粟小山今夜足銀蟾

細傾苦茗微吟罷。風露無聲夢亦恬。

秋夜

秋草未黃苔正綠。短砌蛩聲斷復續。飄零梧葉金井欄。
西風斗覺鬢絲寒。斜傾銀漢低。案戶淡抹微雲漏疎雨。
秋懷惻惻更誰知。宵柝無聲萬蛩語。

夜坐

士族孤寒甚。民情再食難。失時丁歉歲。稱職愧微官。議
賑心方切。催科力更殫。哀鴻滿中澤。愁聽坐更闌。

勘災三絕句

不分高下總山田。蕭索秋光到眼前。蕎麥花開豆苗長。
可能草草度殘年。

圩田一角占東南。約計收成十二三。熟地無多荒地徧。
細排戶口算丁男。

霜白風尖徹骨酸。全無襦袴况朝餐。活民心事無多字。
只作家人父子看。

連理桑歌爲曼生作

白沙沃若桑萬株。天風一半吹欲枯。國僑開畝鄭人謗。
比戶那得聞縲車。陳侯異政傳瀨上。惠澤及人人挾纊。
官齋忽睹連理桑。車蓋童童兀相向。其高十丈大蔽牛。
女牆離立跨兩頭。岐分嘉蔭落永署。坐看東西糾結如。
雙蚪。朝陽夕陽遮兩面。六月炎威埽庭院。昨來肯下仲。
舉榻三宿浮屠有餘戀。我疑星精上應翕舌箕。仙槎吹。

落扶桑枝。不然四衢交。覆伏蛇走。或自帝女宣山移。況君天上白榆曾手種。笑我樗材合無用。中牟馴雉不足多。漁陽之民獨爲張堪歌。

余家舊藏奇石十八枚。巴宿厓觀察更以十八石相贈。合之爲三十六峰。旣各爲之名。屬同人分賦。先以此詩概其大凡。并謝宿厓。

古來奇石世罕睹。米氏洞天蘇仇池。吾家蓄石十有八。視古或遜今。已希嶮岬通透。各殊狀。得此已足。況倍之。豈知巴侯同我癖。贈如其數尤瓌奇。江空秋老數峰碧。窈窕若與湘靈期。雲垂海立環几榻。如對三峽登九疑。橫紋旋螺曲穿蟻。膩理剖玉滑點脂。周遭芙蓉三十六。

頓使斗室生塵屨小兒不識造物偉取象直欲窮毫釐
無相之相乃真相命名費我十日思天垂風雲地草木
物肖飛走人鬚眉平生作達久齊物不見芥子藏須彌
嗟余向平願未遂五岳徧歷知何時壺公縮地信有術
區區不待愚公移鬱林輕裝正須壓包裹準備來年歸
詩成聊識甲乙丙知君弗笑奇章癡

寒夜

寒夜不可終飢腸割酸風屋茅捲何處墮落江雲中呵
氣相暖熱赤體曲似弓羨彼處禪蝨猶得蔽其躬伶俜
者弱子偃僂者老翁十百跼道旁各自說困窮里胥爲
我言窮有甚于此全家歎無衣僵臥不得起無衣食可

知凍餒誰實使施衣雖小惠少貸一日死

時余倡捐橋衣紳士續捐者數千領

老鳥

老鳥攜兩雛覓食哺其兒所願雛長大返哺遂烏私烏有父子恩辛苦相抱持人有不烏若骨肉拋路歧路歧多悲風血淚承兩頤大兒十三四骨立面目薰小兒纔襁褓呱呱索乳啼母病不得乳那不令兒飢母飢病猶可兒病不可醫長號相訣絕不得盡母慈

報春樓

登臨不自遣澤雁有哀聲魚米零星戶江天一角城簷高風太勁徑埽雪初晴百事嗟何補疎狂減宦情

寄孫秋嵐

十年同里閉那不重交親雅有婚姻好兼之意氣真風
塵應笑我兀傲肯依人遲爾弄春水梅花江上新

是程堂集卷第十四

嘉慶中成烈開
雕於真州官舍

秣陵陶士立仿宋書王日華董刊